

Na osnovu članka 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 84. sjednici, održanoj 29.12.2016. godine, d o n o s i

ZAKLJUČAK

I.

Prihvaća se Mišljenje Ministarstva za obrazovanje, nauku, kulturu i sport, doneseno po Inicijativi Sportskog saveza Zeničko-dobojskog kantona, broj: 01-026/16 od 30.11.2016. godine, vezane za donošenje Zakona o izmjenama i dopunama Zakona o sportu („Službene novine Zeničko-dobojskog kantona“, broj: 11/02, 1/04 i 9/11) za Program rada Skupštine Kantona za 2017. godinu, a koje se prilaže uz ovaj Zaključak i smatra njegovim sastavnim dijelom.

II.

Zaključak se upućuje u daljnju skupštinsku proceduru.

III.

Zaključak stupa na snagu danom donošenja.

Broj: 02-_____/16.
Datum, 29.12.2016. godine
Zenica

PREMIJER

Miralem Galijašević

DOSTAVLJENO:

1x Ministarstvu za obrazovanje, nauku, kulturu i sport,
1x Stručna služba Skupštine,
1x a/a.

U vezi sa aktom Stručne službe Skupštine Kantona, broj: 01-02-19376-1/16., od 01. 12. 2016. godine, u dijelu koji se odnosio na podnesenu inicijativu Sportskog saveza Zeničko-dobojskog kantona, podnesenu predsjedavajućem Skupštine za donošenje Zakona o izmjenama i dopunama zakona o sportu („Službene novine Zeničko-dobojskog kantona“, broj: 11/02., 01/04. i 09/11), a vezano za sugestije Sportskog saveza Zeničko-dobojskog kantona koje se odnose na oblast sporta, resorno ministarstvo daje sljedeće:

MIŠLJENJE

Sugestija po pitanju *Sportska natjecanja između škola*, za koja Sportski savez predlaže da se vrati na odredbe osnovnog zakona te *da sportska natjecanja na razini općina utvrđuju i vode sportski savezi općina u suradnji sa školama*, resorno Ministarstvo smatra da se dobrom pokazala praksa da navedena natjecanja organiziraju predstavnici udruge pedagoga, jer se radi o profesorima koji su izravno uključeni u proces nastave kao profesori u školama, te su kompetentniji za organizaciju sportskih natjecanja između škola i na kantonalnoj i na općinskim razinama.

Sukladno sugestiji *da pravne i fizičke osobe registrirane za obavljanje sportske djelatnosti dostavljaju sportskim savezima programe svojih aktivnosti*, ističemo da se programi aktivnosti vezanih sport odnose na svakodnevne aktivnosti Ministarstva za obrazovanje, nauku, kulturu i sport, odnosno Sektora za kulturu i sport, te da potom pitanju nema potrebe ništa mijenjati.

Vežano za sugestiju *da Sportski savez kantona uz učešće predstavnika ministarstva razmatra programe aktivnosti, utvrđuje kriterije i na osnovu toga daje prijedlog programa i opseg sufinansiranja*, podsjećamo da je ministar odgovorna osoba za distribuciju opredjeljenih proračunskih sredstava, te sukladno tome, ministar imenuje komisiju sastavljenu od predstavnika pojedinih sportskih disciplina i jednog predstavnika ministarstva. Komisija sačinjava prijedlog kriterija i Programa za korištenje proračunskih sredstava.

Sugestija *da sredstva namijenjena sportu za narednu godinu ne mogu biti manja od 1% od ostvarenih proračunskih prihoda u prethodnoj godini* je neprihvatljiva iz razloga što bi takav omjer, u vrijeme kad se nastoje ostvariti maksimalne uštede, bio suviše opterećujući za Proračun Zeničko-dobojskog kantona, a zbog čega se i pristupilo Izmjenama i dopunama zakona o sportu Zeničko-dobojskog kantona.

Vežano za sugestiju *da Sportski savez općine razmatra programe, utvrđuje kriterije i na osnovu toga da je prijedloge programa i opsega financiranja javnog interesa na razini općine*, resorno Ministarstvo smatra da je prihvatljivije da taj posao obavlja komisija koju će imenovati općinski načelnik, prvenstveno iz razloga što sve općine nemaju formirane sportske saveze na razini općina. S druge strane izbjegavaju se sumnje o pristranosti sportskog saveza prema određenim sportovima, na što je već bilo prigovora upućenih prema Ministarstvu za obrazovanje, nauku kulturu i sport, a što je u skladu sa propisanim zakonskim rješenjima.

Sugestija *da Sredstva u proračunu kantona odnosno općine namijenjena za financiranje javnog interesa u sportu prenose sportskim savezima*, je neprihvatljiva iz razloga što distribuciju sredstava iz Proračuna vrši Ministarstvo financija sukladno sa Zakonom o izvršavanju Proračuna Zeničko-dobojskog kantona.

Vežano za sugestiju da su korisnici proračunskih sredstava obvezni dostavljati izvješća o realiziranju sportskih programa sa finansijskim pokazateljima sportskom savezu preko kojeg su dobili sredstva, resorno ministarstvo smatra, da s obzirom na gore navedeno, da se programi aktivnosti odnose na svakodnevne aktivnosti Ministarstva za obrazovanje, nauku, kulturu i sport, sukladno tome i izvješća o realizaciji sporskih programa trebaju biti dostavljena sektoru za sport navedenog ministarstva.

S poštovanjem,

MINISTAR

Mensur Sinanović

Dostavljeno:
1x Stručna služba Vlade
2x a/a-02/07.